

**JAVNA USTANOVA DOM ZDRAVLJA
KANTONA SARAJEVO
GENERALNI DIREKTOR
Broj:01-03-3009-6/16
Dana, 02.06.2016. godine
Sarajevo, Vrazova br. 11**

Na osnovu člana 29. i 30. Pravilnika o procedurama javnih nabavki i stvaranju ugovornih obaveza u Javnoj ustanovi Dom zdravlja Kantona Sarajevo broj 01-01-176-15/15 od 16.02.2015. godine, Žalbe na tendersku dokumentaciju ponuđača Sanam styrka d.o.o. broj 134-A/2016 od 30.05.2016. godine, zaprimljene pod brojem 01-03-3009-4/16 dana 31.05.2016. godine i člana 100. stav 3. Zakona o javnim nabavkama ("Službeni glasnik BiH br. 39/14), generalni direktor donosi

**ODLUKU
o poništenju otvorenog postupka broj OP-07/16
(reagensi za hematologiju uz ustupanje dva aparata na korištenje)**

Usvaja se Žalba zainteresovanog kandidata "Sanam styrka" d.o.o. Sarajevo i poništava se tenderska dokumentacija u otvorenom postupku broj **OP-07/16** sa predmetom nabavke i isporuke **ragensa za hematologiju uz ustupanje dva aparata na korištenje** koji se odnosi na:

- **Tendersku dokumentaciju u postupku javne nabavke broj OP 07/16**
- **Obavještenje o nabavci objavljeno na portalu E-Nabavke broj 29-1-1-20-3-23/16 od 13.05.2016. godine**
- **Obavještenje o ispravci Obavještenja o nabavci objavljeno na portalu E-Nabavke broj 29-1-1-20-3-28/16 od 26.05.2016. godine**

Obrazloženje

Javna ustanova Dom zdravlja Kantona Sarajevo kao ugovorni organ, dana 13.05.2016. godine, na portalu E-Nabavke objavila je Obavještenje o nabavci broj 29-1-1-20-3-23/16 od 13.05.2016. godine, u otvorenom postupku javne nabavke i isporuke reagenasa za hematologiju uz ustupanje dva aparata na korištenje broj OP 07/16.

Kao eventualni ponuđač, kandidat Sanam styrka d.o.o. Sarajevo, na preuzetu tendersku dokumentaciju i Obavještenje o ispravci Obavještenja o nabavci broj 29-1-1-20-3-28/16, u ostavljenom roku, uložio je Žalbu broj 134-A/2016 od 30.05.2016. godine.

Nakon što je zaprimio žalbu dana 31.05.2016. godine pod brojem 01-03-3009-4/16, ugovorni organ je utvrdio da je Žalba blagovremena, dopuštena i izjavljena od ovlaštenog lica.

Razmatrajući navode žalbe, ugovorni organ je našao da je Žalba u potpunosti osnovana.

U Žalbi se navodi da je postupak javne nabavke potrebno podijeliti na dva lota u kojima će se definisati potrošnja i specifikacija hematološkog brojača posebno za organizacione jedinice DZ Stari Grad i DZ Ilidža.

Nadalje, u Žalbi se takođe navodi, da, iako se radi o nabavci reagenasa i aparata koji imaju istu namjenu, izvršenom ispravkom Tenderske dokumentacije, navedene su različite tehničke karakteristike analizatora za hematološku dijagnostiku a da pri tome nije izvršena podjela postupka na lotove. Postupajući na ovaj način, ugovorni organ je, kako se u Žalbi navodi, onemogućio učesće ostalih proizvođača brojača krvnih elemenata koji imaju obradu podataka minimalno 60 uzoraka na sat.

Imajući u vidu navedene razloge, detaljno obrazložene u Žalbi nezadovoljnog kandidata, i činjenice da je potrebno, u skladu s tim, potpuno prilagoditi Tendersku dokumentaciju koja mora pretrpiti veće izmjene, Komisija je konstatovala u Zapisniku broj 01-08-3009-5/16 od 01.06.2016. godine, da je Žalba osnovana i dala preporuku generalnom direktoru da se ista usvoji i postupak poništi u skladu sa članom 100. stav 3. Zakona o javnim nabavkama ("Službeni glasnik BiH br. 39/14).

Pravna pouka:


Nezadovoljni ponuđač ima pravo izjaviti žalbu URŽ-u, najkasnije u roku od 5 (pet) dana od dana preuzimanja ove Odluke. Žalba se izjavljuje putem ugovornog organa u pisanoj formi u dovoljnom broju primjeraka koji ne može biti manji od tri.

Pripremila:



Aida Muminagić, dipl. pravnik
referent za pravne i opće poslove u SPKOP-u

Kontrolisala


Jasmina Horo, dipl. pravnik
Pomoćnik gen. direktora za pravna pitanja



Dostaviti:

- Ponuđačima putem Portala E-nabavke
- Komisija za JN
- a/a